



ZYRA E RREGULATORIT PËR ENERGJI
ENERGY REGULATORY OFFICE
REGULATORNI URED ZA ENERGIJU

RREGULLA PËR TAKSAT

Prishtinë, 17 qershor 2011



Bordi i Zyrës së Rregullatorit për Energji sipas autoritetit të dhënë me Nenin 8 paragrafi 1 nën paragrafi 1.6, Nenin 14 paragrafi 2, nën paragrafi 2.16, Nenin 23 paragrafi 7 dhe Nenin 25 të Ligjit për Rregullatorin e Energjisë Nr. 03/L-185, në seancën e mbajtur me datë 17.06.2011 miratoi:

RREGULLËN PËR TAKSAT

KREU I DISPOZITA TË PËRGJITHSHME

Neni 1

Qëllimi

Qëllimi i kësaj rregulle është që t'i specifikojë kategoritë dhe shumën e taksës të përcaktuar në Nenet 22 dhe 23 të Ligjit për Rregullatorin e Energjisë, me qëllim të mbledhjes së të hyrave për Zyrën e Rregullatorit për Energji (në vazhdim ZRRE).

Neni2

Fushëveprimi

Kjo rregull përcakton procedurën dhe afatet përfundimtare për pagim të taksave, si dhe pasojat për mospagim e taksës.

Neni 3

Përkufizimet

1. Shprehjet e përdorura në këtë rregull kanë këtë kuptim:

1.1 **“ZRRE”** Zyra e Rregullatorit për Energji.

1.2 **“Taksë Fillestar e Licencimit”** pagesa zyrtare e pakthyeshme që duhet të paguhet nga aplikuesi në rastin e dorëzimit të Aplikacionit për lëshimin apo ndryshimin e licencës.

1.3 **“Taksë vjetore e licencimit”** pagesa zyrtare që duhet të paguhet në baza vjetore nga i licencuari.

Shprehjet e përdorur në këtë Rregull, kanë të njëjtin kuptim si në Ligjin për Energjinë, Ligjin për Rregullatorin e Energjisë, Ligjin për Energjisë Elektrike, Ligjin për Ngrohje Qendrore dhe Ligjin për Gazin Natyror.

Neni 4

Kategoritë e Taksës

1. Bazuar në Nenin 22 të Ligjit për Rregullatorin e Energjisë, ZRRE-ja është e autorizuar që të mbledhë taksat për kategoritë si në vijim:

1.1 Taksën fillestare të licencimit;



- 1.2 Taksën për modifikimin dhe ndryshimin e licencave;
- 1.2. Taksën vjetore të licencimit;
- 1.3. Taksën për lëshimin e certifikatave të origjinës; dhe
- 1.4. Taksën për zgjidhjen e kontesteve administrative.

Neni 5

Parimet e përgjithshme në lidhje me përlogaritjen e taksës

1. Me përjashtim të taksës vjetore të licencimit, taksat e caktuara sipas kësaj Rregulle do të përlogariten, në përputhje me shpenzimet administrative të bëra në mënyrë të arsyeshme gjatë procedimit të akteve ndaj të cilave referohen këto taksa.
2. Taksat vjetore do të vendosen në mënyrë që të mundësohet vetë qëndrueshmëria financiare dhe veprimi efektiv e efikas në kosto i Zyrës së Rregullatorit për Energji për të arritur qëllimet adekuate me autoritetet rregullative që veprojnë në rrethana të ngjashme dhe që në asnjë rast nuk tejkalojnë shumën e 2% (dy përqindëshit) të qarkullimeve bruto të ndërmarrjeve të energjisë të cilave u kërkohet të paguajnë taksa të tilla.

Neni 6

Shuma e taksës

Shuma e saktë e taksave të duhura do të përcaktohet në përputhje me Shtojcën 1 të kësaj Rregulle.

KREU II KATEGORITË E TAKSAVE

Neni 7

Taksa fillestare e licencimit

1. Taksë fillestare e Licencimit është taksa e përcaktuar për nxjerrjen ose ndryshimin e licencës, përfshirë shpenzimet për përgatitjen e licencës për kryerjen e aktivitetit të rregulluar.
2. Taksa fillestare e Licencimit përfshinë shumën fikse të taksës, si në shtojcën 1 të kësaj rregulle.

Neni 8

Taksa për modifikimin dhe ndryshim të licencave

1. Taksë për modifikim dhe ndryshim të licencave është taksa që përfshinë shpenzimet për modifikim dhe ndryshim të licencës, për kryerjen e aktivitetit të energjisë.
2. Taksa për modifikim dhe ndryshim të licencave përfshinë shumën fikse të taksës, si në shtojcën 1 të kësaj rregulle.

Neni 9

Taksa vjetore e licencimit



1. Taksat vjetore të licencimit janë taksat e përshkruara për kryerjen e aktiviteteve të rregulluara në sektorin e energjisë dhe përlloragriten çdo vit pasues pas vitit të licencimit.
2. Përlloragritja e taksave vjetore të licencave e paraqitur në Shtojcën 1 të kësaj rregulle merr parasysh kushtet e sektorit të energjisë në Kosovë dhe fazën zhvilluese të ZRRE-së dhe synon të shmangë çdo rrezik të mbingarkesës financiare për konsumatorët.
3. Taksa vjetore e licencimit, do të imponohet vetëm ndaj prodhuesve të energjisë ose importuesve dhe do të përlloragritet si duhet, mbi bazat e futjes së energjisë neto në rrjet.
4. ZRRE-ja do të përlloragrisë taksën vjetore të licencimit mbi bazë të vlerësimeve të rrjedhave të energjisë gjatë vitit aktual. Në fillim të vitit të ardhshëm, ZRRE-ja do të rillogarisë taksën e duhur vjetore bazuar në rrjedhat aktuale të energjisë, siç parashihet sipas kushteve të Kodit Matës. Qartësimi i çdo dallimi midis shumës së parapaguar dhe shumës realisht të përshtatshme, do të ndodhë njëkohësisht me pagimin e taksës vjetore të licencimit për vitin e ardhshëm.

Neni 10

Taksa për Lëshimin e certifikatës së origjinës

1. Taksa për nxjerrjen e certifikatave të origjinës, përfshinë shpenzimet për përgatitjen e këtyre certifikatave.
2. Taksa për nxjerrjen e certifikatave të origjinës përfshinë shumën fikse të taksës, si në shtojcën 1 të kësaj rregulle.

Neni 11

Taksa për zgjidhjen e kontesteve administrative

1. Taksa për Zgjidhjen e Kontesteve Administrative është taksë për shqyrtim të kontesteve nga ana e ZRRE-së, në përputhje me Rregullën për Procedurën e Zgjidhjes së Kontesteve në Sektorin e Energjisë.
2. Taksat për Zgjidhjen e Kontesteve Administrative përfshinë shumën fikse të taksës, si në shtojcën 1 të kësaj rregulle.
3. Konsumatorët shtëpiak përjashtohen plotësisht nga detyrimet e pagimit të taksave për zgjidhjen e kontesteve administrative.

KREU III

PROCEDURA ADMINISTRATIVE

Neni 12

Procedura për mbledhjen e taksave

1. Taksa për shqyrtimin e aplikacioneve do të paguhet në kohën e dorëzimit të aplikacionit.



2. Taksa fillestare e licencimit dhe taksa për nxjerrjen e certifikatave të origjinës, do të paguhet jo më vonë se tridhjetë (30) ditë kalendrike prej marrjes së faturës të lëshuar nga ZRRE-ja.
3. Taksa vjetore e licencimit do të paguhet jo më vonë se tridhjetë (30) ditë kalendrike , prej marrjes së faturës të lëshuar prej ZRRE-së. ZRRE-ja mund të lejojë pagimin e këtyre taksave edhe përmes pagesave me këste mujore.
4. Taksa për zgjidhjen e kontesteve administrative do të paguhet në kohën e dorëzimit të ankesës/kërkesës në ZRRE.

Neni 13

Mënyrat e pagimit

1. Të gjitha taksat do të paguhet dhe depozitohen në llogarinë zyrtare bankare të ZRRE-së, të krijuar nga Drejtori i Përgjithshëm i Thesarit.
2. Për çdo pagesë të depozituar, fatura e depozitimit do të dorëzohet në ZRRE.

Neni 14

Pasojat e mospagimit

1. ZRRE-ja ka të drejtën të refuzojë shqyrtimin e aplikacioneve për nxjerrjen ose ndryshimin e licencave, nëse aplikuesi nuk e kryen pagesën e faturës së taksave të duhura.
2. ZRRE-ja ka të drejtë të refuzojë zgjidhjen e kontesteve, në rast të mospagimit të taksave të duhura.
3. Në rast se nuk arrihet të bëhet pagesa e taksës së duhur sipas kushteve të kësaj Rregulle, ZRRE-ja do të njoftojë me shkrim debitorin, duke i siguruar edhe një afat përfundimtar prej të paktën dhjetë (10) ditë kalendrike. Në rast të mospagimit deri në skadimin e këtij afati, ZRRE-ja mund të refuzojë shqyrtimin e aplikacioneve dhe ankesave/kërkesave për zgjidhje të kontesteve, sipas paragrafit 1 dhe 2 të këtij neni.
4. Në rast të mospagimit të taksës vjetore, ZRRE do të ndërmarr të gjitha masat ligjore të përcaktuara me Ligjin për Rregullatorin e Energjisë. Për masat e ndërmarra nga ZRRE, i licencuari do të njoftohet me shkrim.

Neni 15

Ankesat në ZRRE

1. Debitori i taksës, pas marrjes së njoftimit mbi taksën përkatëse, ka të drejtë të ankohet në ZRRE, brenda afatit prej katërbëdhjetë (14) ditësh kalendrike.
2. ZRRE-ja është e detyruar të regjistrojë këtë ankesë dhe të vendosë në lidhje me të, brenda një afatit prej katërbëdhjetë (14) ditësh kalendrike.
3. Dorëzimi i një ankese, nuk pezullon detyrimin për të paguar taksën, përveç nëse lejohet ndryshe nga ZRRE-ja.



4. ZRRE-ja mund të pezullojë plotësisht ose pjesërisht detyrimin për të paguar taksën, deri në një vendim përfundimtar mbi ankesën. Në këtë rast, debitori do të njoftohet me shkrim.
5. Pezullimi i detyrimit për të paguar taksën do të lejohet në rast të ankesave të justifikuara si duhet.

KREU IV DISPOZITAT KALIMTARE DHE PËRFUNDIMTARE

Neni 16

Gjuha Zyrtare

Kjo Rregull është nxjerrë në gjuhën shqipe dhe do të përkthehet në gjuhën serbe dhe angleze. Në rast të mospërputhjes midis versioneve, do të mbizotërojë versioni në gjuhën shqipe.

Neni 17

Ndryshimi

1. ZRRE mban të drejtën që të ndryshoj ose modifikoj çdo dispozitë të kësaj rregulle.
2. Procedurat për ndryshim ose modifikim të kësaj Rregulle, do të jenë të njëjta si për miratimin e saj.

Neni 18

Interpretimi

Në rast se ka paqartësi për dispozitat e kësaj Rregulle, Bordi do të nxjerrë informacione shpjeguese.

Neni 19

Shfuqizimi

Kjo Rregull shfuqizon rregullën “Pasqyrë e Taksave”, të hartuar sipas Ligjit për Rregullatorin e Energjisë Nr.2004/09, dhe të miratuar nga Bordi i Zyrës së Rregullatorit për Energji me datë 17.01.2006.

Neni 20

Hyrja në Fuqi

Rregulla hyn në fuqi në ditën e aprovimit nga Bordi i ZRRE-së, dhe do të publikohet në faqen zyrtare elektronike të ZRRE-së.

Bordi i Zyrës së Rregullatorit për Energji:

Dr. Ali Hamiti, Kryesues

Perparim Kabashi, Anëtar

Blerim Koci, Anëtar

**SHTOJCA 1: TABELË PËR KATEGORI TË TAKSAVE**

KATEGORITË E TAKSAVE	Taksat në EURO
A. TAKSË FILLESTARE E LICENCIMIT	
A1. LICENCA E GJENERIMIT TË ENERGJISË ELEKTRIKE - Aplikimi i ri ose i rishikuar	
A1.1 0 MW deri 50 MW	3,000. ⁰⁰ €
A1.2 51 MW deri 400 MW	6,000. ⁰⁰ €
A1.3 mbi 400 MW	12,000. ⁰⁰ €
A2. LICENCA PËR FURNIZIM PUBLIK DHE FURNIZIM ME ENERGJI ELEKTRIKE	
A1.1 deri në 50 MW dhe rishikim	3,000. ⁰⁰ €
A.2.2 tejkalon 100 MW por më e vogël se 400 MW	6,000. ⁰⁰ €
A.2.3 mbi 400 MW	12,000. ⁰⁰ €
A3. LICENCA PËR OPERATOR TË TREGUT	3,000. ⁰⁰ €
A4. LICENCA PËR OST DHE OSSH	6,000. ⁰⁰ €
A5. LICENCA PËR GJENERIM TË NGROHJES QENDRORE	500. ⁰⁰ €
A6. LICENCA PËR SHPËRNDARJE TË NGROHJES QENDRORE	500. ⁰⁰ €
A7. LICENCA PËR FURNIZIM ME NGROHJES QENDRORE	500. ⁰⁰ €
A8. LICENCA PËR IMPORT/EKSPORT të Energjisë Elektrike	
A8.1 0 MW deri 100 MW	2,000. ⁰⁰ €
A8.2 101 MW deri 400 MW	3,000. ⁰⁰ €
A8.3 mbi 400 MW	5,000. ⁰⁰ €
A9. RISHIKIM NË LIDHJE ME A.2-A.8	500.0 €
B. TAKSË PËR MODIFIKIMIN/NDRYSHIMIN E LICENCAVE	2,000. ⁰⁰ €
C. TAKSË VJETORE E LICENCIMIT	
C1. Prodhimi i energjisë elektrike, importi <i>(futja neto në rrjet për gjeneratorët dhe energjia e kontraktuar dhe e realizuar për tregtarët ndërlidhës)</i>	€ 0.22/MWh
C2. Prodhimi i energjisë termike <i>(futja neto në rrjet)</i>	€ 0.10/MWh
D. TAKSË PËR LËSHIMIN E CERTIFIKATATËS SË ORIGINËS	€ 0.00/MWh
E. TAKSË PËR ZGJIDHJEN E KONTESTEVE	0,00. ⁰⁰ €